

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Grad Tuzla**



**Služba za ekonomski razvoj,  
poduzetništvo i poljoprivredu**

Broj: 04/11-A-4966-2020  
Tuzla, 23.04. 2020. godine

**PREDMET: Program raspodjele sredstava tekućeg granta za razvoj primarne poljoprivredne proizvodnje na području grada Tuzle, za 2020. godinu;**

U Budžetu Grada Tuzla za 2020. godinu, na poziciji Tekućeg granta za razvoj primarne poljoprivredne proizvodnje, planirana su sredstva u iznosu od 80.000,00 KM.

Članom 22. Odluke o izvršavanju Budžeta Grada Tuzla za 2020. godinu („Službeni glasnik Grada Tuzla“, broj: 12/19) utvrđeno je da se sredstva na navedenoj poziciji raspoređuju na osnovu programa raspodjele sredstava, donesenih od Pomoćnik gradonačelnika za Službu za ekonomski razvoj, poduzetništvo i poljoprivredu, u skladu sa kriterijima, u ovom slučaju, utvrđenim važećom Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19), (u daljem tekstu: Odluka).

Odlukom su određeni uslovi, način i kriteriji raspoređivanja sredstava Budžeta Grada Tuzla koja se dodjeljuju za podršku projekata neprofitnih organizacija (udruženja i fondacija), koji se kandiduju putem javnog poziva, a kako su u Budžetu Grada Tuzle za 2020. godinu pozicionirana predmetna sredstva Tekućeg granta za razvoj primarne poljoprivredne proizvodnje.

Na osnovu člana 4. Odluke donesen je Program utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije –Tekući grant za razvoj primarne poljoprivredne proizvodnje – ekonomski kod 614311/50, za 2020. godinu, broj: 04/11-A-004234-2020, od 25.03.2020. godine, kojim su, između ostalog, određeni opći ciljevi projekata, fokus projekata, te projektne aktivnosti koje će se moći realizovati iz navedenih sredstava, odnosno prihvatljive projektne aktivnosti predložene kojima će aplicirati potencijalni učesnici u javnom pozivu, zatim je utvrđen maksimalni iznos podrške za pojedinačne projekte i druga pitanja u vezi sa načinom utroška navedenih namjenskih sredstava.

Opći ciljevi projekata, kako je definisano i utvrđeno navedenim Programom, trebaju biti: povećanje proizvodnje hrane u segmentu proizvodnje ratarskih kultura i to: graha, krompira i kukuruza (merkantilnog i silažnog), te očuvanje dostignutog nivoa i povećanje obima poljoprivredne proizvodnje u do sada podržavanim vrstama proizvodnje.

Putem javnog poziva, koji je bio otvoren od 27.03.2020 do 17.04.2020. godine, zaprimljen je jedan projekat, koji je u propisanom postupku i spram propisanih kriterija i podkriterija, pregledan i adekvatno ocijenjen od strane komisije imenovane rješenjem Pomoćnika gradonačelnika za Službu za ekonomski razvoj, poduzetništvo i poljoprivredu. Radi se o projektu kojeg je kandidovalo Udruženje „Bosper“ Tuzla, pod nazivom „Podrška postojećim agrobiznisima i ublažavanje posljedica pandemije“, ukupne vrijednosti 80.390,00 KM, od kojeg iznosa se 80.000,00 KM zahtijeva iz Budžeta Grada Tuzle. Projekat je ocijenjen kao sveobuhvatan, fokusiran na postizanje ciljeva definisanih gornjim Programom.

Nakon što je adekvatno vrednovan projektni prijedlog Udruženja „Bosper“, te utvrđeno posjedovanje tehničkih, kadrovskih i organizacionih pretpostavki, neopodnih za uspješnu realizaciju predloženih projektnih aktivnosti, što je konstatovano u zapisniku i prijedlogu nadležne komisije, navedeni projekat Udruženja „Bosper“ Tuzla, pod nazivom „Podrška postojećim agrobiznisima i ublažavanje posljedica pandemije“, prihvaćen je i u cijelosti predstavlja sadržaj ovog Programa raspodjele sredstava tekućeg granta za razvoj primarne poljoprivredne proizvodnje na području grada Tuzla za 2020. godinu (u daljem tekstu: Program).

Ciljnu grupu krajnjih korisnika ovog Programa predstavljaju poljoprivredni proizvođači sa cijelog područja Tuzle, koji su pokrenuli ili će pokrenuti u 2020. godini ratarsku proizvodnju (proljetnu sjetvu), sljedećih kultura: merkantilni i silažni kukuruz, grah i krompir, zatim poljoprivredni proizvođači iz Tuzle u segmentu stočarstva i to proizvodnje mlijeka i mesa, te u pčelarskoj proizvodnji i u proizvodnji gljiva.

Podrška koja će se putem ovog Programa obezbijediti krajnjim korisnicima, poljoprivrednim proizvođačima iz Tuzle, realizovat će se u obliku nabavke dijela neophodnog repromaterijala za navedene podržavane vrste biljne i animalne proizvodnje: i to sjemenskog materijala, gnojiva, zaštitinih sredstava i goriva, za ratarsku proizvodnju (grah, krompir i kukuruz), a u animalnoj proizvodnji kroz nabavku dijela neophodnih količina hrane za stoku (koncentrovana hrana), u pčelarskoj proizvodnji kroz nabavku dijela neophodnih količina prihrane pčela-pogača, i u proizvodnju gljiva kroz nabavku ambalaže za pakovanje gljiva.

Dakle, ovim Programom će se pružiti širok spektar podrške, u podržavanim vrstama biljne i animalne proizvodnje, s ciljem očuvanja uspostavljene poljoprivredne proizvodnje, te povećanja proizvodnje hrane kroz proizvodnju ratarskih kultura (grah, krompir i kukuruz-merkantilni i silažni), što u konačnici treba da osigura bolju snabdjevenost tržišta domaćim poljoprivrednim proizvodima.

Pravo na podršku putem ovog Programa imaju:

- fizička lica- individualni poljoprivredni proizvođači sa područja grada Tuzle, kao i
- pravna lica sa sjedištem u Tuzli, kojima je pretežna djelatnost poljoprivrede i obrti u vlasništvu građana Tuzle, registrovani za poljoprivrednu djelatnost.

Visina podrške koju pojedinačni krajnji korisnik može ostvariti po osnovu tekućeg granta u oblasti primarne poljoprivredne proizvodnje utvrdit će se spram ukupnog broja prijavljenih korisnika koji ispunjavaju kriterije predviđene projektom koji je sadržan u ovom Programu, uz obavezu vlastitog ulaganja proizvođača-korisnika, te uz princip da se podrška ne isplaćuje korisniku u novčanom iznosu, nego se sredstva na ime podrške transferišu Udruženju „Bosper“ Tuzla, za dalju uplatu prema isporučiocima nabavljenog repromaterijala, u svrhu smanjenja ulaganja krajnjih korisnika u nabavci neophodnog repromaterijala, što je direktna podrška i stimulans Grada Tuzle, zasnovanoj proizvodnji i proljetnoj sjetvi poljoprivrednih i prehrambenih proizvoda u 2020. godini.

Ovim Programom određuje se da ukupna podrška po svim oblicima podrške iz ovog Programa, ne može prelaziti iznos od 1.000,00 KM po korisniku.

Aktivnosti iz projekta Udruženja „Bosper“ Tuzla, pod nazivom „Podrška postojećim agrobiznisima i ublažavanje posljedica pandemije“, koji je prihvaćen i u cijelosti sadržan u ovom Programu, predstavljaju vrste i oblike programske podrške Grada Tuzle u 2020. godini, u oblasti poljoprivredne proizvodnje, a koji imaju karakter tekućih izdataka, su sljedeći:

### **1.1. Obezbjeđenje repromaterijala u ratarskoj proizvodnji:**

Za proizvođače povrća na otvorenom (merkantilni krompir i grah) i proizvođače kukuruza (merkantilni i silažni), koji su upisani u Registar poljoprivrednih gazdinstava, predlaže se podrška u nabavci dijela paketa neophodnog repromaterijala, koji obuhvata sadni/sjemenski materijal, sredstva za zaštitu, mineralno gnojivo i gorivo, u proljetnom ciklusu 2020. godine.

Pravo na ovaj oblik podrške imat će korisnik odnosno poljoprivredni proizvođač upisan u Registar poljoprivrednih gazdinstava (RPG) na području grada Tuzle, koji je u tekućoj godini pravovremeno prijavio:

- proizvodnju krompira na površini od najmanje 1,0 dunum,
- proizvodnju graha na površini od najmanje 1,0 dunum,
- proizvodnju kukuruza (merkantilni ili silažni) na površini od najmanje 1,0 ha.

Podatke o ispunjavanju navedenih kriterija potrebne radi sačinjavanja liste korisnika, Udruženje „Bosper“ Tuzla preuzet će od Službe za ekonomski razvoj, poduzetništvo i poljoprivredu Grada Tuzle,

nadležne za vođenje i ažuriranje podataka u RPG-u za fizička i pravna lica iz Tuzle, na osnovu prijavljenog plana proizvodnje u prethodnoj za 2020 godinu.

Prema raspoloživim podacima iz RPG-a očekuje se da ovim oblikom podrške bude obuhvaćeno 130 korisnika.

Za predviđene mjere u ovom obliku podrške Programom se raspoređuju sredstva u iznosu od 40.000,00 KM.

### **1.2. Obezbjedenje stočne hrane za muzne krave:**

Za proizvođače, sa područja grada Tuzle, koji imaju muzne krave u liniji otkupa mlijeka, koji su upisani u Registar poljoprivrednih gazdinstava (RPG), odnosno koji imaju prijavljenu proizvodnju u ovom Registru za 2020. godinu, planira se podrška u obezbjedenju stočne hrane za muzne krave, čime će se doprinijeti očuvanju proizvodnje svježeg kravljeg mlijeka na području grada Tuzle.

Distribucija nabavljene hrane krajnjim korisnicima će se vršiti u količini, u zavisnosti od ukupnog broja prijavljenih korisnika koji ispunjavaju kriterije predviđene Projektom, a to je posjedovanje najmanje 2 muzne krave u liniji otkupa mlijeka, pod veterinarskom zaštitom, s tim da se pojedinačna podrška po korisniku može ostvariti za najmanje 2, a najviše za 10 muznih krava. Pored ovog kriterija, raspodjela nabavljene stočne hrane zavisit će i od ukupnog broja prijavljenih muznih grla, kao i od maksimalnog iznosa ukupne podrške koju pojedinac može ostvariti u okviru ovog Programa, a koji je ovim Programom određen u iznosu od 1.000,00 KM. Na osnovu svega navedenog odredit će se količine stočne hrane za raspodjelu po korisnicima, uz prethodnu kontrolu spiskova korisnika sa ažuriranim spiskovima kooperanata koje vode registrovani otkupljivači mlijeka na području grada Tuzle, kao i provjerom spiskova sa stanjem prijavljenog obima proizvodnje i broja grla koji se vodi u u RPG-u kod ove Službe.

Ovaj oblik podrške, odnosno projektna aktivnost realizovat će se u saradnji sa zainteresiranim predstavnicima udruženja poljoprivrednika, specijaliziranih za proizvodnju mlijeka te uz učešće predstavnika ove Službe, u procesu sačinjavanja liste korisnika, te provođenja postupka odabira najpovoljnijeg dobavljača stočne hrane, ukoliko udruženje iskaže interes za rad u postupku nabavke.

Prema raspoloživim podacima iz RPG-a očekuje se da ovim oblikom podrške bude obuhvaćeno 70 korisnika.

Za ovaj oblik podrške ovim Programom se raspoređuju sredstva u iznosu od 10.000,00 KM.

### **1.3. Obezbjedenje stočne hrane za svinje**

Za proizvođače u svinjogojstvu sa područja grada Tuzle, koji imaju nazimice ili suprasne (rasplodne) krmače, koji su upisani u Registar poljoprivrednih gazdinstava (RPG), odnosno koji imaju prijavljenu proizvodnju u ovom Registru za 2020. godinu, ovim Programom se raspoređuju sredstva na ime podrške u obezbjedenju stočne hrane za svinje.

Distribucija nabavljene hrane krajnjim korisnicima će se vršiti u zavisnosti od ukupnog broja prijavljenih korisnika koji ispunjavaju kriterije predviđene projektom Udruženja „Bosper“ Tuzla, koji je predmet ovog Programa, a to je posjedovanje najmanje 2 nazimice ili suprasne krmače pod veterinarskom zaštitom, uz izjavu korisnika o obavezi zadržavanja ili pak povećanja broja grla u narednom periodu, s tim da se pojedinačna podrška po korisniku može ostvariti za najmanje 2, a najviše za 10 grla. Pored ovog kriterija, raspodjela nabavljene stočne hrane za svinje zavisit će i od ukupnog broja prijavljenih grla, kao i od maksimalnog iznosa ukupne podrške koju pojedinac može ostvariti u okviru ovog Programa, a koji je ovim Programom određen u iznosu od 1.000,00 KM. Na osnovu svega navedenog odredit će se količine stočne hrane za svinje, koja će se podijeliti korisnicima, uz prethodnu kontrolu spiska korisnika sa stanjem prijavljenog obima proizvodnje i broja grla u RPG-u koji se vodi kod ove Službe.

Za nabavku hrane za svinje ovim Programom se izdvajaju sredstva u ukupnom iznosu od 6.703,00 KM.

Prema raspoloživim podacima iz RPG-a očekuje se da ovim oblikom podrške bude obuhvaćeno 60 korisnika.

U implementaciju ovog oblika podrške biće uključen predstavnik proizvođača u svinjogojstvu kao i predstavnik ove Službe, u pogledu sačinjavanja liste korisnika, te učešća u proceduri odabira

najpovoljnijeg dobavljača, s tim da će predstavnik proizvođača u svinjogojstvu učestvovati u ovom procesu ukoliko iskaže interes i spremnost za uključivanje u ovu aktivnost.

#### **1.4. Podrška proizvođača u oblasti proizvodnje meda**

Kako bi se osiguralo očuvanje proizvodnje meda i pčelarskih proizvoda, u skladu sa iskazanim potrebama, ovim Programom se planira podrška u nabavci neophodnog materijala za prihranu pčela (pogačica). Polazeći od obuhvata i visine podrške iz prethodne godine planirano je da se u 2020. godini podrškom obuhvate proizvođači sa područja grada Tuzle koji imaju uspostavljenu proizvodnju, koji su upisani u Registar poljoprivrednih gazdinstava (RPG) i Registar pčelara Federacije BiH, te koji su prijavili planiranu proizvodnju u navedenim Registrima za 2020. godinu. Podrška se može ostvariti za prijavljeni broj košnica u 2020 godini, za najmanje 15, a najviše za 50 košnica.

Za ovaj oblik podrške, ovim Programom se raspoređuju sredstva u iznosu od 10.000,00 KM.

Prema raspoloživim podacima iz RPG-a očekuje se da ovim oblikom podrške bude obuhvaćeno 150 korisnika.

Ovaj oblik podrške, odnosno projektna aktivnost realizovat će se u saradnji sa udruženjima pčelara, te predstavnicima ove Službe, u postupku sačinjavanja liste korisnika, te u proceduri odabira najpovoljnijeg dobavljača prihrane za pčele, s tim da će predstavnici udruženja pčelara učestvovati u postupku nabavke prihrane za pčele uoliko iskažu interes i spremnost za učešće u tom postupku.

#### **1.5. Podrška očuvanju proizvodnje gljiva kod proizvođača sa područja grada Tuzla**

Kako bi se obezbijedila održivost u segmentu proizvodnje gljiva na području grada Tuzle, što je također podsticaj u proizvodnji hrane za domaće konzumno tržište, ovim Programom, za aktivnost iz projekta Udruženja „Bosper“ Tuzla, pod nazivom „Podrška postojećim agrobiznisima i ublažavanje posljedica pandemije“, kojom je predviđena intervencija prema proizvođačima gljiva sa područja grada Tuzle, izdvajaju se sredstva u iznosu od 820,00 KM.

Navedena sredstva namijenjena su za podršku proizvođača gljiva koji su upisani u Registar poljoprivrednih gazdinstava na područja grada Tuzla, koji su ažurirali i prijavili proizvodnju za 2020. godinu, a realizovat će se u nabavci repromaterijala, i to podložki, PVC filma-folije za pakovanje gljiva. Uslov je da korisnici potpišu izjavu da za ove svrhe neće biti obuhvaćeni podsticajima iz drugih izvora.

U implementaciju ovog oblika podrške biće uključen predstavnik proizvođača gljiva kao i predstavnik ove Službe, u pogledu sačinjavanja liste korisnika, te učešća u proceduri odabira najpovoljnijeg dobavljača, s tim da će predstavnik proizvođača gljiva učestvovati u ovom procesu ukoliko iskaže interes i spremnost za uključivanje u ovu aktivnost.

#### **Završne odredbe:**

U cilju efikasne realizacije predviđenih oblika podrške iz ovog Programa, Udruženje „Bosper“ Tuzla, će u toku implementacije osigurati:

- a) da blagovremeno poduzme sve radnje oko provođenja procedure izbora najpovoljnijih dobavljača i nabavke predviđenih inputa, te oko utvrđivanja spiskova korisnika prema utvrđenim kriterijima,
- b) da uz prethodnu saglasnost nadležne gradske Službe na spisak korisnika izvrši distribuciju nabavljenog repromaterijala,
- c) da u postupke nabavke predviđenih inputa i repromaterijala uključi predstavnike ove Službe kao i predstavnike proizvođača specijaliziranih za pojedine vrste poljoprivredne proizvodnje obuhvaćene ovim Programom,
- d) da sredstva raspoređena za predviđene oblike podrške iz ovog Programa, namijenjena za smanjenje zaduženja krajnjih korisnika, koja će se transferisati Udruženju „Bosper“ Tuzla, budu blagovremeno uplaćena dobavljačima odnosno isporučiocima navedenih inputa,

- e) da prilikom utvrđivanja liste korisnika za sve navedene oblike podrške iz ovog Programa, prati maksimalan iznos ukupne podrške po proizvođaču, u iznosu od 1.000,00 KM, kako je određeno ovim Programom.
- f) da ukoliko u toku implementacije bude prijavljen veći broj korisnika nego što su ukupno raspoloživa sredstva za oblike podrške predviđene ovim Programom, prednost će imati proizvođači koji se prvi put pojavljuju u programu podrške Grada ili koji su do sada ostvarili manji iznos podrške, uz obavezno ispunjavanje utvrđenih uslova, kriterija i gornjih limita za učešće u raspodjeli programske podrške,
- g) da se za sve predviđene oblike podrške, generalno, potpisom na distributivnoj listi, obezbijedi izjava krajnjih korisnika, da će u narednom periodu održati proizvodnju i da neće otuđiti repromaterijal nabavljen uz podršku Grada.

### **Završne odredbe:**

Ovim **Programom**, za predviđene oblike podrške iz prihvaćenog projekta pod nazivom „Podrška postojećim agrobiznisima i ublažavanje posljedica pandemije“, koji će realizovati Udruženje „Bosper“ Tuzla, u skladu sa razmotrenim i prihvaćenim budžetom projekta, koji je prilog ovom Programu, raspoređuju se sredstva u ukupnom iznosu od 80.000,00 KM,

Krajnji rok za realizaciju ovog Programa, odnosno implementaciju planiranih aktivnosti i oblika podrške, je 30.09.2020. godine.

Sredstva ovog Programa će biti doznačena odabranom implementatoru, odnosno Udruženju „Bosper“ Tuzla, koji će realizovati prihvaćene aktivnosti kao oblike direktne podrške poljoprivrednih proizvođača sa područja grada Tuzla, u realizaciji proljetne sjetve i ostalih vidova biljne i animalne proizvodnje u 2020. godini, podržane ovim Programom, a što će doprinijeti očuvanju dostignutog obima poljoprivredne proizvodnje i povećanju proizvodnje hrane za domaće konzumno tržište.

Ukoliko se u predviđenom roku ne realizuje podrška prema planiranom broju korisnika i u planiranom iznosu za pojedine oblike podrške, neutrošena sredstva se mogu preusmjeriti za druge oblike podrške, uz prethodnu izmjenu Programa, koju usvaja Pomoćnik gradonačelnika za Službu za ekonomski razvoj, poduzetništvo i poljoprivredu.

Sa implementatorom projekta koji je predmet ovog Programa, zaključit će se ugovor o regulisanju međusobnih odnosa u vezi realizacije sredstava raspoređenih ovim Programom i uz obavezu da Službi za ekonomski razvoj, poduzetništvo i poljoprivredu dostavi narativni i finansijski izvještaj sa pratećom dokumentacijom kojom se dokazuje namjenski utrošak doznačenih sredstava.

Nakon realizacije Programa ova Služba će pripremiti i prezentirati Gradonačelniku i Gradskom vijeću Tuzla, informaciju o realizaciji i utrošku programskih sredstava.

**Pomoćnik gradonačelnika  
za Službu za ekonomski razvoj, poduzetništvo i poljoprivredu**

**Zijad Lugavić, magistar ekonomije**